

Na osnovu člana 16. stav (1) i člana 17. stav (2) Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09) i člana 28. stav (6) Zakona o koncesijama Hercegovačko-neretvanskog kantona („Službene novine HNK“, broj: 1/13, 7/16, 6/18, 9/19 i 1/21), na prijedlog Ministarstva privrede, Vlada Hercegovačko-neretvanskog kantona je na 172. hitnoj telefonskoj sjednici, održanoj 25.7.2023.godine, donijela

**ODLUKU  
O DODJELI KONCESIJE  
ZA OBAVLJANJE ELEKTROPRIVREDNE DJELATNOSTI  
PROIZVODNJE ELEKTRIČNE ENERGIJE IZGRADNJOM  
ELEKTROENERGETSKIH OBJEKATA FOTONAPONSKIH  
ELEKTRANA FNE MO SOLAR 1, FNE MO SOLAR 2, FNE MO SOLAR 3,  
FNE MO SOLAR 4, FNE MO SOLAR 5, FNE MO SOLAR 6, FNE MO  
SOLAR 7, FNE MO SOLAR 8, FNE MO SOLAR 9 I FNE MO SOLAR 10,  
POJEDINAČNE SNAGE 4,99 MW, NA LOKALITETU POLOG, MOSTAR**

**I**

Vlada Hercegovačko-neretvanskog kantona, kao koncesor, dodjeljuje J.P. „Komunalno“ d.o.o. Mostar, kao koncesionaru, koncesiju za obavljanje elektroprivredne djelatnosti proizvodnje električne energije izgradnjom elektroenergetskih objekata fotonaponskih elektrana FNE MO SOLAR 1, FNE MO SOLAR 2, FNE MO SOLAR 3, FNE MO SOLAR 4, FNE MO SOLAR 5, FNE MO SOLAR 6, FNE MO SOLAR 7, FNE MO SOLAR 8, FNE MO SOLAR 9 i FNE MO SOLAR 10, pojedinačne snage 4,99 MW, na zemljištu označenom kao k.č. 6679/38, k.č. 6679/39, k.č. 6679/40, k.č. 6679/41, k.č. 6679/42, k.č. 6679/43, k.č. 6679/44, k.č. 6679/45, k.č. 6679/46 i k.č. 6679/47, k.o. Polog, Mostar.

**II**

- (1) Koncesija se dodjeljuje na period od 30 godina.
- (2) Rok trajanja koncesije počinje teći od prvog dana perioda važenja dozvole za rad za proizvodnju električne energije.
- (3) Koncesija prestaje istekom 30. godine od dana početka trajanja koncesije.

**III**

- (1) Prava i obaveze koncesora i koncesionara precizirat će se ugovorom o koncesiji koji će, uz prethodnu saglasnost Vlade Hercegovačko-neretvanskog kantona i pribavljeno mišljenje Kantonalnog javnog pravobranilaštva, u ime koncesora, s koncesionarom, potpisati ministar privrede HNK.
- (2) Koncesionar je obavezan u roku od 30 dana od dana konačnosti ove Odluke dostaviti koncesoru Termin plan realizacije projekta izgradnje fotonaponskih elektrana iz člana 1. ove Odluke, a koji će biti sastavni dio ugovora o koncesiji.
- (3) Krajnji rok za potpisivanje ugovora iz stava (1) ove tačke je 60 dana od dana konačnosti ove Odluke.
- (4) Eventualne izmjene i dopune ugovora o koncesiji, te raskid ugovora o koncesiji, ukoliko za to nastanu zakonski uvjeti, vrši se na isti način i postupak kao kod zaključenja ugovora.

#### IV

- (1) Jednokratna koncesiona naknada za:
  - a) FNE MO SOLAR 1 u iznosu od 17.729,10 KM,
  - b) FNE MO SOLAR 2 u iznosu od 17.729,10 KM,
  - c) FNE MO SOLAR 3 u iznosu od 17.729,10 KM,
  - d) FNE MO SOLAR 4 u iznosu od 17.729,10 KM,
  - e) FNE MO SOLAR 5 u iznosu od 17.729,10 KM,
  - f) FNE MO SOLAR 6 u iznosu od 17.729,10 KM,
  - g) FNE MO SOLAR 7 u iznosu od 17.729,10 KM,
  - h) FNE MO SOLAR 8 u iznosu od 17.729,10 KM,
  - i) FNE MO SOLAR 9 u iznosu od 17.729,10 KM,
  - j) FNE MO SOLAR 10 u iznosu od 17.729,10 KM.
- (2) Tekuća (godišnja) koncesiona naknada za korištenje obnovljivih izvora energije (TKN) obračunava se prema formuli:  $TKN=0,03 \times GBP \times 0,05 \times 14,20$ .
- (3) Ugovorom o koncesiji propisat će se način i rokovi plaćanja koncesijskih naknada iz stava (1) i (2) ove tačke, i to u skladu sa odredbama Odluke o načinu utvrđivanja kriterija, načinu obračuna i rokovima plaćanja koncesijske naknade za obavljanje elektroprivredne djelatnosti proizvodnje, prenosa i distribucije električne energije na području Hercegovačko-neretvanskog kantona („Službene novine HNK”, broj: 9/18).
- (4) Sredstvo osiguranja za izvršavanje obaveza plaćanja jednokratne i tekuće (godišnje) koncesione naknade je bezuvjetna bankarska garancija za svaku vrstu naknade posebno, i to u vrijednosti iznosa ovih naknada, a ugovorom o koncesiji pobliže će se propisati ova obaveza koncesionara, kao i rokovi za dostavu ovih garancija, te posljedice neizvršavanja obaveze plaćanja ovih naknada.

#### V

- (1) Koncesiona djelatnost obavljat će se na način i pod uvjetima propisanim svim zakonskim propisima koji reguliraju oblast električne energije i izgradnje elektroenergetskih postrojenja ove vrste.
- (2) Zakonski propisi i standardi koji regulišu pitanja građenja, zaštite okoliša, poljoprivrede, vodoprivrede i zaštite na radu, su također obavezujući za koncesionara.

#### VI

- (1) Ugovorom o koncesiji obavezno će se propisati i slijedeće obaveze:
  - a) da se koncesionar obavezuje, na svoj trošak i na svoj rizik, ishodovati sve dozvole/saglasnosti koje su propisane posebnim zakonima iz člana 5. ove Odluke, ukoliko postoje zakonske obaveze i uvjeti za to ishodovanje i fotokopije istih dostaviti koncesoru u roku od 15 dana po pravosnažnosti;
  - b) da će se ugovor o koncesiji raskinuti pod uvjetima predviđenim Zakonom o koncesijama Hercegovačko-neretvanskog kantona, kao i ako koncesionar tri godine zaredom proizvede na godišnjem nivou manje od 20% od planirane godišnje proizvodnje električne energije;
  - c) da je za nadzor nad ostvarenjem koncesije nadležno Ministarstvo privrede ili lice koje ministar privrede ovlasti, kao i Ministarstvo finansija za nadzor nad ispunjenjem finansijskih obaveza;
  - d) da se dodijeljena koncesija može prenijeti na drugu pravnu osobu sukladno Zakonu o koncesijama Hercegovačko-neretvanskog kantona;

- e) sve druge odredbe propisane članom 32. Zakona o koncesijama Hercegovačko-neretvanskog kantona, kao i one koje su od značaja za predmetnu koncesiju.

## VII

Koncesionar može, u roku od 15 dana od dana prijema ove Odluke, putem Ministarstva privrede, Vladi Hercegovačko-neretvanskog kantona podnijeti zahtjev za preispitivanje Odluke u skladu sa članom 29. Zakona o koncesijama Hercegovačko-neretvanskog kantona.

## VIII

Odluka stupa na snagu danom njene konačnosti, a objavit će se u „Službenim novinama Hercegovačko-neretvanskog kantona“.

Bosna i Hercegovina  
Federacija Bosne i Hercegovine  
**HERCEGOVAČKO-NERETVANSKI KANTON**  
**V L A D A**

Broj: 01-1-02- 2002 /23  
Mostar, 25.7.2023. godine

**PREDSJEDNIK**

dr.sc. Nevenko Herceg

